

Bybelstudie 1: Die Christen Lewe

BYBELSE VERWYSINGS

Roeping om te vervul

Die Nuwe Testament spreek menigmaal van doelwitte en ambisie. Paulus beskryf syne en verduidelik dat dit alles gesentreerd is in Jesus Christus. Alle Christene het 'n roeping – om God se kinders en mense te wees. Hierdie roeping behoort alles ander doelwitte en ambisies in jou lewe te ondersteun en te bevorder.

Fillipense 3:14; Romeine 15:20; Kolossense 1:18

Karakter om te ontwikkel

God se doel vir sy kinders is dat hulle soos sy Seun Jesus sal word in die manier hoe hulle leef. Om 'n Christen te wees beteken om te glo en 'n Christelike karakter te ontwikkel. Dit beteken noodwendig om die ou sondige mens agter te laat en in die Heilige Gees 'n nuwe lewe te leef. Romeine 8:29; 2 Petrus 1:5-8; Efesiërs 5:1-2

Gemeenskap te onderhou

Die Bybel beskryf hoe Christene hul gemeenskap kan onderhou. Twee voorbeelde is gebed en die nagmaal. Johannes se eerste brief beskryf die lidmaatskap van die Christelike lewe. Dit is 'n gemeenskap van:

- lewe gesentreerd in Christus – die Woord en die Lewe
- liefde in Christus – verbind deur die liefde en genade van God
- lig in Christus – geen donkerte kan in Sy teenwoordigheid bestaan nie.


1 Johannes 1:1-7; Efesiërs 4:3-6; Johannes 15:4

Energie om te oes

God het aan ons natuurlike gawes verskaf. Ons moet hierdie gawes aan God wy en in ons christenskap uitleef om sodoende hulle potensiaal te bereik. Die kwaliteit van ons daaglikse lewe, verhoudinge en diens behoort dinamies ondersteun te word deur Christus se opstanding en krag. Ons is immers nie op aarde net vir onself nie, maar om God se lig te skyn.

1 Korintiërs 14:58; Efesiërs 2:10; Kolossense 3:23-24





Intellek omte ontwikkel

‘n Christelike denkraamwerk verskaf aan ons ‘n waarlik unieke verbintenis tot die heelal. Om God se waarhede deel van ons intellek te maak, vernuwe ons denke oor die diepste sake van die lewe. Daarom moet ons intellektuele kapasiteit bevorder word sodat ons denke sal ontwikkel en ons van *babas* na *volwasse* Christene sal groei.

1 Johannes 5:20; Efesiërs 4:13; Efesiërs 1:18

Werklike hoop

Die finale Christelike oorwinning is gesentreer in Jesus se oorwinning aan die kruis. Die opgestane Here sal weer kom. Die verlede is vergeef; die hede is omvou; en die toekoms behoort aan ons.

1 Petrus 1:3-9; Titus 2:13; Openbaring 22:20

KERN GEDAGTE(S)

Die Christelike lewe word duidelik beskryf in die Bybel. ‘n groeiende christen lewe bereik sy volle potensiaal wanneer ons meer soos Christus lyk in ons optrede en verhoudinge. Daarom is dit belangrik om nie net te bekeer nie, maar dissipels te word wat ons geloofs-volwassenheid in Christus sal bereik.

BYBELSTUDIE : Fillipense 3:7-14

As die eerste gemeente in Europa, het Fillipense ‘n spesiale verhoudinge met Paulus gehad. In sy brief aan hulle lewe hy sy getuigenis van Christus en lê hy sy doelwitte en lewenswaardes uit. Hierdie is van die kragtigste voornemens op geteken in die Bybel.

1. (v 7-9) Die skrywer weeg die beste en swaarste van Christelike dissipelskap teen mekaar op. Watter een weeg die swaarste en hoekom? Lees ook Hebreërs 11:25-26.
2. (v 10-11) Kan die positiewe aspekte van Christenskap van die negatiewe geskei word? Wat is dit van Christus se dood wat gelowiges aantrek?
3. (v 12-14) Bespreek die spanning wat Paulus ervaar het tussen: begin en einde; die verlede en hede; onvolwassenheid en perfeksie. Wat kan ons hieruit leer?
4. (v 13) “Een ding wat ek doen”. Paulus het baie dinge gedoen – tentmaker, leerder, reisiger, stigter. Wat bedoel hy dan met “een ding”? Hoekom is die belangrik om as mens ‘n primêre doelwit te hê?
5. (v 14) Wat is die “prys”? Lees ook Fil 1:21.

